

**ORATIO DE  
LAUDIBUS  
THEOLOGIAE  
HABITA IN  
ECCLESIA...**

---

Giacinto Gucci



1010. 24



XXX III

GVCC.

ORATIO  
DE LAVDIBVS  
THEOLOGIAE  
HABITA IN ECCLESIA SANCTISS.  
TRINITATIS FLORENTIAE

*Decimotertio Kalendas Nouembris, iussu, & auspicijs Domini  
Fidelis de Corfettis Ordinis Vallisumbrosae Doctoris  
Theologi, ac tum temporis Theologorum Decani,*

A D. Hyacintho Guccio eiusdem Ordinis.



---

FLORENTIAE,  
APVD BARTHOLOMAEVM SERMARTELLIVM,  
ET FRATRES. MDCXIII.



# DE LAVDIBVS THEOLOGIAE HABITA IN ECCLESIA SANCTISS. TRINITATIS FLORENTIAE

*Decimotertio Kalendas Nouembris, iussu, & auspicijs Domini  
Fidelis de Corsetti Ordinis Vallisumbrosae Doctoris  
Theologi, ac tum temporis Theologorum Decani,*

*A D. Hyacintho Guccio eiusdem Ordinis.*



**D**IFFICILEM admodum, ac laboriosam mihi delatam prouinciam (inclite cōfessus) scilicet laudes Theologicæ scientiæ pro rostris æcllamandi, cum sæpius mente reuoluerem, frigidus timor illico per præcordia obrepens ab incœpto, ut quàm citius desisterem, admovebat, quatenus tantorum virorum maiestati parem asserre animi magnitudinem, ac tantæ Theologorum ac sapiētum coronæ me haudquaquàm satisfacere posse considerem. Missam facio huius facultatis amplitudinem, de quâ quidem (non secus ac Diuo Augustino de Trinitate scribenti contigit) exsiccare maria mihi differenti oppidò facilius foret; quotusquisque enim homo ingenij est, licet mirabi-

ab ipsa an differat haud dignosci queat. Dicite, oro vos, viri sapientes, qui ab ineunte ferè etate eam cõplexuri conquestiuitis, nonnè tabulam intellectus vestri abraham, ac vndequaquè penitus perpolitam, cum primùm lineis huius diuinæ scientiæ, nullis eatenus situris insciendam decorastis, nonnè inquam diuinam quippiam induistis? inde vobis exactissima munia, primæ sedes, officia, dignitates in explicandis ambagibus ad vos recursus; serpius contigit; sed quod plurimè sic vera cognitio rerum, de æternâ patria germana loquutio, supernorum spirituum quâ creberrima adloquutio, cœlestium arcanorū perfecta reuelatio ac veri Dei optima agnitio, non paucis huius scientiæ affectis facta est. Potuit (fateor) inuidus ille serpens, humanæ reipublice hostis antiquus, ficta naturalis sphiæ persona decorus, miseros vndequaquè mortales per labyrinthæcos anfractus ludibrio traducere, & faucibus atrocissimæ bestiæ, propriæ sententiæ falsitate deceptos absorbendos allicere, cum bestiarum, altitium, serpentum, ac ceterorum millium portentosa numina, posthabita veri Dei latræ, honore cœlico prosequi, illis sacrum ignem accendi, incensum offerri, thymiama litari imprimis, compulerit; sed ubi primùm orbis seruatore, ac huius scientiæ largitore aduentale commisit, cunctis viribus destitutus est; quippè qui propria arma retundi, & virium suarum iacturam fieri, si huic, per quâ verus Dei cultus reuiuiscat, operam mortales nauerent, dignouit quam optime. Nec satis fuit tartaræ monstra, detestabili prole fecunda, diuersis partibus impios Nestorios, sacrilegos Vigilantios, hereticos Manicheos, ac ceterum his similia teterrima monstra, ut huius veritatis dignitatem pessum pro viribus darent, ac Maiestatem eius, spurcissimis blasphemiarum periurijs delibutam cœno immundo usquè ad internecionem obuolueret, enixa esse. Etenim optimam filiam in virginalibus diuinis claustris, æterno puerperio conceptam, impercrutabili partu edicam, ac in mundum, ut inter Deum, & homines indissolubile amoris socius pangat, ab intus penetralibus dimissam, impijs manibus tam turpiter attrectari, immundis labijs tam impiè agi, virginali flore tãquam destitutam inter mortales distineri, & id Deum consultò reticere nusquam credendum est; quin inconcussæ veritatis sēmæ, tantam gentilitio decoratam, virorum fide fortiū, charitate splendens, scientia micantium multiplici stipatam caterua, ceu Davidis turrem silice angulari fundatam milliū clipeorum hostili spolio insignitam, contra implam Damaſcum, nempe hære-



ti orum sedem, respicere curauit. O fortia lumina, ad quorum  
 solum intusitum exterrita inimicorum agmina prosligantur. Di-  
 cite vos huius veritatis testes vrbis Ierosolymorum, & ceterae quae  
 statim ac Theologicarum assertionum theses, labijs illustrium  
 virorum dilucidatas audistis, subicū inimicorum Dei depressio-  
 nem, acibus conciliorum peractam, quam citius didistis. Agite,  
 vbi sunt veteres illae haeticorum sententiae, quae vbi primum ad o-  
 leuere, neutiquē viriles facies, ad Theologica troseae multiplicā-  
 da prognatae videbantur. O solam prae ceteris imperio dignam  
 Theologiam. Tu suavis Zephyrus quō catholica nauis, mer-  
 cibus coelestibus referta, longē à Scyllae & Charybdeos scopulis, ne  
 praes vorantibus, ac fractas reuoluentibus carinas, per vastū pē-  
 tagus vehitur, dulciter admodum, ac perutiliter afflans. Tu ste-  
 missima columba, quā templum Dei, nullam diuturnitatis iactu-  
 ram vnoquam perpersum, sulcitur, ad regitur, immobilis perma-  
 nens. Tu regis gloriā thalamus, in quo verus Salomon in sta-  
 tis eburneis requiescit, sexaginta viris fortibus, ad nocturnos he-  
 reticorum timores propellendos, ambitus ac circumdatus. Tu  
 immense Trinitatis thronus altissimis illius operibus, tum inti-  
 mis quā exteris praefulgens, ad coelestia dona, nobis adhuc a-  
 tra caligine obductis, impertienda potissimum paratus. O  
 quā gloriōse mihi factum est hodie, cui, dum huius diuināe fa-  
 cultatis celeberrimam memoriam, aeternitaci quā maximē iū-  
 ctam, ad calculos relocare contendo, summo Deo, summas gra-  
 tias, ob maxima in me collata beneficia, peragere contigit.  
 Quotusquisque enim tantę soliditatis homo est, qui filium egre-  
 gia indole natum, optimis moribus adultum, insigni expectatio-  
 ne virom celebrās, patris gloriam haud recte nō agnoscat?  
 Eia, agite, si alicuius nobilissimae cominae laudes dicatis, nonne  
 à patria, parentibus, & ipsius pulchritudine exordium sumetis? por-  
 rō si huius patria, parentes, ac species extollenda est, Deum qui-  
 dem, à quo omnia bona sua se percepisse fatetur, laude cumu-  
 labimus. Hec mira, & immenta nobilitas est, quae non poëtarū  
 carminibus, non annalium monumentis, sed summetipsum meri-  
 tis expenditur. Deficerem, herclē in via, si immensum hoc  
 iter, scilicet praclarum Theologiae panegyricum impresentiarū  
 clamando, emetiri satagerem, praesertim cum de maxima glo-  
 ria, & nobilitate, quā quis eam possidendo cohonestatur, ser-  
 mo mihi futurus sit.

Trahimur omnes laudis studio, & vnusquisque maximē gloria  
 duci.

ducitur; quod, ut obtinerent, alij aliorum stemmata obliuioni tradita, alij militiæ insignia, parentum sanguine parta diligentius disquisuerunt; mihi verò id medijs virtutibus assequi satius probatur, quod quidem tanti fecerunt, qui primeuam ætatem incoluere, ut Pythagoras Samius proprijs laribus derelictis per Aegyptum, Creram, ac Lacædemonem, ad illius oræ sapientes inuisendos, iter habuerit; Plato Italiam, & Aegyptum ex Athenis percurrerit. Apollonius item Tyaneus longinquissimas regiones peragranit; tanta, enim est sapientiæ dulcedo, tam gloriosa possessio, tam utilis exercitatio eius, tam diuinus amor fructus illius, tam secunda quies in eius contemplatione, ut omnes homines eam adipiscendi, vel naturali desiderio teneantur. Per hanc scientiarum, & disciplinarum inuentores, nomē deorum adepti, quod scilicet beneficio humano generi exhibitio, & propria excellentia dij viderentur, tamen quod alieno dono fruerentur, à Deo optimo maximo multum differrent; apud homines, qui sepius falluntur imagine rectorum, æternæ ac summæ potentie dignitatem sibi comparauerunt. Cedo quæ maior gloria, post hominum memoriam, vel visa, vel audita, vel quæsitæ est, quæ virtutum, ac literarum nobilitati comparata huic dextram non porrigat? Non igitur mirum est, si Macedonum magnus ille Imperator Alexander Homeri opera, quæ nempe æternitate digna cum animaduerneret, obscuro, ac sordido loco, tinearum dentibus demolienda non sinit, sed scrinio, quo Darius Persarum Rex pretiosius omne asseruare solebat, gloriosius conclusit? Ommitto prudens quantam gloriam sibi vindicatam adiudicauerit Ptolemæus ille Philadelphus, qui bibliothecam, ubique terrarum memorandam, libris undique maximis pretijs cõquisitis refertam, ac pluris regno æstimatam, construxit, in qua septingenta millia Codicum volumina coëgisse memoriæ proditur. Quid dicam de statujs, obeliscis, arcubus, mausoleis, monumentis, ac penè infinitis trophejs, soli virtuti, & scientiarum cultoribus, nulla temporum iniuria vnquam collabendis, permagnificè erectis? Beroso Astrologo, quod prædictiones eius veræ essent, statnam cum lingua aurea Athenienses in gymnasio posuere. Phalaris tyrannus Stesichorum Poëtam, qui in eum iniuriarum non minimo conuicio debacchatus fuerat, cum captiuum haberet, ac in malam crucem abducturum comminatus fuisset, liberum reddidit, plus sapientiæ soli tribuens, quàm potentie, quàm vindictæ, quàm iniuriæ, quàm iracundiæ.

quo incomparabiliter in discipulos tanto maior, quam in ceteros quosque qui sibi mortales adsciscunt Magistros, dignitas dimanat; quanto quisque inexhaustum diuinę sapientię fontem, vel minimis riuiulis præponit. Quid audiri potest mirabilius? quid videri iucundius? quid obtineri suauius?

Agè nunc illa videamus, quę in hac scientia vtilitati, prouentui, ac fructui maximè conferunt. Quòd vnumquodque sit de sua salute sollicitum natura instinctu quodam cunctis viuentibus tribuit; verum enimuero os homini sublime dedit, cælumque videre, iussit, & erectos ad sydera tollere vultus, sic cecinit Poëta; vt differat à iumentis, quę ad terram prona, ac ventri obedientia finxit, eò scilicet, quòd humana salus longè quidem à corpore, ac cœlesti beatitudini iuncta, tota in visione Dei, nunquam deficienda reponatur. Sed bone Deus, licet thesaurum hunc incomparabilem nostrę salutis, venam indeficientem tuę gratię, Mare inexhaustum tuę glorię in extremis Paradisi finibus, difficillimè consequenda, posuissè videare, attramen altissimam scalam, purpura tui sanguinis rubricatam, ligno, cui affixus fuisti affabrè factam, mille gradibus tūm virtutum, quūm præceptorum locupletatam, sanctam nempe Theologiam, qua cælum scandere, & inaccessa gloria potiri valeamus, nobis amiccè dedisti. Estò disertissimè cætus, quid vobis potissimum, cum Philosophiam perdiscitis vt illam cum gaudio, & spe prouentus retinere cogamini, ob oculos proponitur? profecto scientia naturalium, scilicet motus, & quietis, & ceterorum, quorum dum naturam noueritis, vitam amittitis; ac in hac, si optimè possideatur, cognitio ob mentis oculos describitur veri Dei, cuius dū voluntatem perfecitis, vitam lucramini. Iuret igitur vt libet in verba Aristotelica Peripatheticus discipulus, & mordicus vti volet, dogmata Stagiriticę sustineat; mihi enim est tanti, sanctam doctrinam docendus, inter tirones huius incliti collegij cooptrari. Sed vos felices, ac terquē quaterquē beatos viros Theologos, qui sapientię dixistis soror mea es, & prudentiam vocastis amicam vestram; rati, nec falsò, immensam gloriam, & mundanam, & cœlestem questuosę beatitudini iunctam fore vos consequuturos. Sint sanè ergò illa magna de ceteris scientijs iactata, quę re vera magna sunt, de iudicio tamen ingenij mei, vt volet quisque iudicet, ego enim hanc ceteris omnibus antepono; nempe quòd extrà omnem ancipitis alex iactum posita, totum desideriu hominis (alioquin inexplabile) perficiat, & adimpleat

## 46 Oratio de laudibus Theologia.

quippe quæ in summis, & excelsis verticibus cum sedē habeat, de rebus magnis loquutura paruulos astitit, & insipientes prudentiam docet, cuius guttur veritatem meditatur, & labia detestantur impium. Melior est cunctis preciosissimis, & omne desiderabile ei non potest comparari: Illam comitantur diuitiæ, & gloria; cuius fructus melior est auro, & lapide pretioso, & gemina eius argento electo. O nunquam satis laudaram, ac celebratam scientiam. Tu mysticus hortus cunctis floribus odorem emittantibus, suauitatem redolentibus, summam fragrantiam erumpentibus condecoratus, in quo summi rector Olympi, non ad auram post meridiem, ut peccantem Adamum gratia spoliaret, iratus graditur, sed ut pascatur in hortis, ut lilia colligat, ut myrrham, absinthio mistam metat, ut nouum hominem gratia nutriat, & gloria fulciat, iucundissimè deambulat. Tu hortus conclusus, in quem exterritus ob spinam maceriam impius hereticus non irrumpit, ubi Christus verus botrus expiationis, in valle felicitatis, vel incisionis exortus, nunquam amarissimis botris hereticorum in vinea Sodomorum genitis, & in suburbanis Gomorrhæ editis, commiscendus, diligentius asseruatur; qui in torculari cruceo compressus, vinum, non ut fel draconum, vel ut venenum aspidum insanabile, sed tam dulcem, tam suauem emisit, ut in ipso prius abluta, deinde inebriata Ecclesia clamare non desistit, quia amore languet. Tu verè es fons signatus, incorruptas, limpidas, ac puras tanto gloriosius aquas asseruans, quanto diligentius oclusus, ac addito sigillo obsignatus, ne quis impostor eas deturpet, tantum viris virtute claris ac bonitate conspicuis, eas impertiris. En nobilissimè cætus, quod emissiones eius Paradisus, nempe quod Doctores Theologi verbis suis in hunc mundum Paradisum transtulere. Gaude planè, atque summa letitia perfundere ciuitas Florentiæ quæ tot tantisque priuilegijs, præ ceteris non tantum Italiæ sed Mundi ciuitatibus condecorata cū sis; tū nihil præstantius, nihil augustius, nihil horū virorū Collegio gloriosius intra tuos limites oculus mortaliū vidit nullus: Per hos enim agitur tuæ familiæ pax, tuæ sententiæ veritas, tuæ conscientie tranquillitas; Per hos augeatur tuæ magnificentiæ fama, tuæ gloriæ decor, tuorum finium splendore. Ac tibi maximè Leo, qui inter Pontifices decimus fulges, pluris debet tua Florentia ob adauctum fauoribus ac priuilegijs tantum Collegium, quàm ob adiunctum suæ nobilitati Pontificatûs. Magis exaltat Mediceorū clarissima familia tuas laudes. ob propagatam

pagatam in suis regnis sanctam Theologiam, quam ob gentilitiæ stirpi insitam papalem mitram. Sed quo non summo exultim gaudio gestiet mea Vallimbrosana religio, quæ inter tantorum virorum numerum, non solum filios summos, & egregios Theologos vidit; sed quod maioris est, proprijs cernit luminibus, & Theologiæ Doctores, & Doctorum principes: cuius gloriøsæ nomenclaturæ auctricem hanc diuinam scientiam clamās, discendam, ediscendam, & ut ita dicam, vorandam concoquendam, & quodammodo in succi ac sanguinis naturam conuertendam, filijs suis quotidie demandare non desinit; ab hac enim optimum nomen in Ecclesijs, in cathedris, ac vbique gèrium sibi partum, cum maximo animarum quæstu optime intellexit. Sed quæ tanta potest esse vbertas ingenij, quæ tanta dicendi copia, quod tam diuinum atque incredibile genus orationis, quo quisque vniuersas huius scientiæ laudes, non dicam complecti orando, sed per censere numerando queat? difficilius enim esset orationis exitum quam principium inuenire. Vnde in hac mea acclamatiuncula, non tantum quæ aurē vellesant, scilicet ampullas, & verba sesquipedalia proiecisse; ut grandiloquū, cū ampla sententiarum grauitate, & maiestate verborum, vehemētes, varij, copiosi, graues, ad commouendos, ac peruertendos animos instructi, ac parati facere consuevere; verū etiam & quæ necessaria forent penitus non attigisse, vehementer doleo.

Quin de hac, nō secus atque de pulcherrima virgine pexo capillo nitida, calamistro cincinnata, ac trita tunica amicta verba egisse, ac intimam formam, scilicet virtutes animi, omnino reticuisse compertum habeo. Forsan quod tantæ ipsius Maiestati par translatorum, ac epithetorum additio inueniri nequeat.

Quamobrēm ægre ferre soleo, & latine orationi indignari, quod proprijs atque exquisitis nominibus exquisitissimas laudes efferre non licet, quæ tantum penē à comunibus distāt virtutibus, quantum fermē virtus à vicio. Verū quod orationi deest, oro suppleat audientis intellectus, & non quod dixi, sed quod dicere debuerim accipiat.

*Dicebam.*






# ERRATA

# CORRIGE.

pag. 4. lin. 32.	partus 1438	partus 1348
pag. 9. lin. 3.	Hi verò	Hic verò
lin. 15.	totus Theologiz	Totius Theologiae
lin. 22.	Chiroteris	Chyrothecia
lin. 38.	per vigens	perurgens
pag. 11. lin. 33.	proponant	proponantur
pag. 12. lin. 3.	Dominus	Domini
lin. 5.	illi sint quam	illi sint, qui
pag. 25. lin. 12.	Albizus &c. Cal. Nou. 1539	1389
pag. 28. lin. 3.	asseruant	asseruantur
Archang. lin. 1.	Senis, mox	Senis 1551. mox
lin. 6.	Dalmaticam	Dalmatiam
August. Phil. lin. 3.	enciclepedia	encyclopaedia
Barthol. Lapac. lin. 2.	relatus 1438	relatus 1428
pag. 32. lin. 4.	Gratia. Florentina & ad	Florentina ad
pag. 33. lin. 4.	Guil. de Becch. cum dignitate	cum dignitatis
pag. 34. lin. 2.	Iac. Tauant. Cal. Iul. 1565	Cal. Iul. 1556.
pag. 38. lin. 3.	Michael Pociant. 1573	1565.
pag. 41. lin. 10.	Scip. Amir. Obijt circiter 1600.	Obijt 6. Cal. Febr. 1601
lin. 2.	Sebast. Tur. octano Cal.	18. Cal.
pag. 37. lin. 1.	An. Dom. 1580	1480.









49

